

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla"d.o.o.

Broj: 05/2.4-552/0/24
G.Dubrave, 25.06.2024.godine

Na osnovu člana 69. stav (1) tačka a) i člana 70. Zakona o javnim nabavkama BiH (Službeni glasnik Bosne i Hercegovine broj: 39/14 i 59/22), te prijedloga Komisije za provedbu postupka javne nabavke, u ime uprave Javnog preduzeća direktor, d o n o s i:

ODLUKU
o izboru najpovoljnijeg ponuđača

I

Ponuda ponuđača **Kalelektrik d.o.o. Živinice**, za ponuđenu cijenu od **9.180,00 KM** bez PDV-a proglašava se najpovoljnijom, te se imenovanom ponuđaču dodjeljuje Ugovor o nabavci usluge revizije trafo stanica i elektro postrojenja na JP „Međunarodni aerodrom Tuzla“ d.o.o.

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav (6) Zakona o javnim nabavkama.

O b r a z l o ž e n j e

Odlukom broj: 01/I-552-1/24 od 23.05.2024.godine pokrenut je postupak javne nabavke usluge revizije trafo stanica i elektro postrojenja putem konkurentskog zahtjeva procijenjene vrijednosti 10.000,00 KM.

Rok za dostavljanje ponuda bio je 19.06.2024. godine do 09:00 sati. Javno otvaranje ponuda izvršeno je u 09:30 sati istog dana, što je konstatovano zapisnikom sa otvaranja ponuda broj: 05/2.4-552-7/24. Zapisnik sa otvaranja ponuda dostavljen je ponuđačima u skladu sa zakonskim i podzakonskim aktima.

Nakon izvršenog otvaranja ponuda, komisija je dana 21.06.2024. godine pristupila analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima. Kriterij za dodjelu ugovora je „NAJNIŽA CIJENA“.

Prema zapisniku o otvaranju ponuda broj: 05/2.4-552-7/24, Komisija konstatuje da su za predmetni postupak javne nabavke pristigle 3 ponude i to ponuda:

1. **Netz-elektrik d.o.o. Gradačac**, čija je ukupna cijena ponude 9.200,00 KM bez PDV-a
2. **Kalelektrik d.o.o. Živinice**, čija je ukupna cijena ponude 9.950,00 KM bez PDV-a
3. **Elektrocentar Petek d.o.o. Tuzla**, čija je ukupna cijena ponude 18.120,00 KM bez PDV-a

1) Uvidom u ponudu broj 1 ponuđača **Netz-elektrik d.o.o. Gradačac** utvrđeno je da ista sadrži svu dokumentaciju koja je tražena tenderskom dokumentacijom, te ispunjava uslove utvrđene tenderskom dokumentacijom i ista može biti predmetom vrednovanja primjenom kriterija „NAJNIŽA CIJENA“. Komisija je jednoglasno konstatovala da je ponuda **prihvatljiva**.

2) Komisija je potom izvršila uvid u ponudu broj 2 ponuđača **Kalelektrik d.o.o. Živinice**, te je uvidom u priloženu dokumentaciju i provjerom sadržaja i validnosti iste, konstatovala da navedena ponuda sadrži svu traženu dokumentaciju i kao takva je **prihvatljiva**, te može biti predmetom vrednovanja primjenom kriterija „NAJNIŽA CIJENA“.

3) Takođe komisija je izvršila uvid u ponudu ponuđača **Elektrocentar Petek d.o.o. Tuzla**, te je u uvidom u istu utvrdila da navedena ponuda sadrži svu dokumentaciju traženu tenderskom dokumentacijom. Komisija je izvršila uvid u obrazac za cijenu ponude, te je utvrdila da cijena ponude ponuđača **Elektrocentar Petek d.o.o. Tuzla** prelazi procijenjenu vrijednost predmeta nabavke, te je predmetnu ponudu Komisija ocjenila kao **neprihvatljivu**.

Slijedom svega navedenog Komisija je konstatovala da u e-aukciji mogu učestvovati ponude ponuđača **Netz-elektrik d.o.o. Gradačac** i ponuda ponuđača **Kalelektrik d.o.o. Živinice**, te je predložila zakazivanje e-aukcije sa sljedećom početnom rang listom:

1. **Netz-elektrik d.o.o. Gradačac**, čija je ukupna cijena ponude 9.200,00 KM bez PDV-a

2. **Kalelektrik d.o.o. Živinice**, čija je ukupna cijena ponude 9.950,00 KM bez PDV-a

E-aukcija je zakazana za dan 24.06.2024. u 10:00 sati. Prema Izvještaju o toku i završetku e-aukcije, e-aukcija je završena dana 24.06.2024. u 10:15:00 sati sa konačnom rang listom ponuđača:

1. **Kalelektrik d.o.o. Živinice**, sa ukupnim umanjnjem početne ponude od 7,74%, iznosi **9.180,00 KM**.
2. **Netz-elektrik d.o.o. Gradačac**, sa ukupnim umanjnjem početne ponude od 0%, iznosi **9.200,00 KM**.

Temeljem navedenih činjenica Komisija za provođenje postupka javne nabavke usluge revizije trafo stanica i elektro postrojenja je jednoglasno konstatovala da postoje uslovi za izbor najpovoljnijeg ponuđača, te je predložila Upravi ugovornog organa da donese Odluku o izboru najpovoljnijeg ponuđača i Ugovor o nabavci dodijeli ponuđaču **Kalelektrik d.o.o. Živinice**, čija ukupna cijena ponude nakon provedene e-aukcije iznosi **9.180,00 KM** bez PDV-a, a u skladu sa članom članom 69. stav (1) tačka a) kao i članom 70. Zakona o javnim nabavkama BiH.

Na osnovu prijedloga Komisije za provođenje postupka javne nabavke za nabavku predmetnih usluga na JP „Međunarodni aerodrom Tuzla“ d.o.o., donesena je odluka kao u dispozitivu.

PRAVNA POUKA: Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
1 x Ponuđačima
1 x Evidencija
1 x a/a



DIREKTOR

Hevlloćević Dževad
Dževad Halilčević

